

QUÆSTIO MEDICA.

CARDINALITIIS DISPUTATIONIBUS
manè discutienda in Scholis Medicorum, die Jovis
vigessimâ tertiâ Martii.

M. MICHAELE DE LA VIGNE, Doctore
Medico, Præfide.

An omni Scorbuto volatilia?

I.

QUI viventium omnium machinam è tubulis, fluidis-
que constari affirmat, emendatè loquitur ad physicen;
qui ex illorum structurâ laudabili, simul & horum libero
commeatu sanitatem hominis pendere profitetur, scitè dicit
ad medicinam. Succorum motus, ut multiplex, nec unifor-
mis, ita sapores admodum varii; quisquis summa duntaxat
illorum genera percipit, peregrinatur in ætiologiâ; qui pe-
culiâres intimasque sapidorum mixtionis rationes contendit
usu discriminare, suam ludit operam. Satis habeto ille inde-
finitas ejuscemodi *σύνεσις* intellectu percipere. Cæteros in-
ter sapores efficacitate percrebescunt, acris & acidus; alter,
cujus est cruori, quem citatiùs agit, fluidiorem tribuere
σύνεσις, acutarum ægritudinum omnium parens agnoscitur;
alter, cujus est sanguini, quem utcumque moratur ac susti-
net, defigere crassitudinem, morbos alit, foverque contu-
macescentes. At numquid ex utriusque succi istius, è potiore
naturâ dejectis, conjugio procreantur & affectus aliquot? Ita
fanè, difficiliore & superatu, Scorbutus putâ, è confusione
acris acidique succorum oriunda progenies, veteribus medi-
cis haud ignota, quanquam alio sub nomine.

EST scilicet ubi cruor, ob traducem à parentibus nutritiorum viscerum *κακὴ περὶ γὰρ*, ob incautam vivendi legem, atque ob maligni miasmatis *ἐκρυσιν*, aut particulas intra se suscipit, salino-sulphureas ultra quam satis, aut sulphureo-salinas. Prioribus ubi gravis est, cutim maculis apparere distinctam, diversis asperam tuberibus, ulceribusque deformatam; quin & instare ventriculo nauseas, hunc ipsum fatigari vomitione, tristibus angi cardiogmis, intestina sollicitari frequentibus alvi defectionibus, dysentericisque cruciatibus miserrimè torqueri; verbo dicam, extorum omninò nullum à dolore liberum videas, & immūne. At quandò posterioribus onusta est sanguinea moles, colore cutis, ejusdemque lavore ferè semper incolumibus, spasmo quatiuntur ægrotantes ex intervallis, torpore detinentur artuum, anhelitus difficultate premuntur, pectoris urgentur angustia, molestis anxietatibus irrequieti, crebris animi deliquiis fatiscen-tes, spontaneis lassitudinibus oppressi procumbunt; cœterum, anne tam grande symptomatum satellitium impressæ soli cruori labis judicanda consequutio? anne teter halitus ad nerveum usque laticem diffusus existimabitur? hic dubio procul in sanguinis infecti consortionem trahatur oportet.

I I I.

AT TENDAS ea propter ad proprietatem doloris humorisque pernicitatem quisquis cum veteribus & recentiorum plerisque cruorem acido solo semperque fœtum esse in affectione Scorbuticâ contendis. Illinc enim audias ab ægrotantibus ossium medullam quasi transverberari, carnes velut deripi digitis, unguibusque, vel uri. Hinc humore, momento citiùs, de parte corporis in partem, dissitissimamque raptò, quælibet obvia vel cursando densissimè configi audias, intimè concidi, non sine tristissimo lacerationis sensu.

Agedum utri succorum soli, dominante adscribetur ista hæc impressio? non acido quidem uni: sed nec eidem præpollenti, quippe quem nec aculeis adeo fodientibus armatum esse constet, neque particulis adeò præpetibus abripi: succus igitur acer, isque volatilis, aut soluti salium tartareorum spiritus acres, ubi nerveas in partes cursim illapsi, punctim affiguntur, haud infrequens, at efficacitate prævalens affectionis Scorbuticæ causa tibi esto. Rationi fidem derogas? experientiam adhibe: Majorem volatilis salis copiam evinct illa eductum iri è sanguine laborantium affectu Scorbutico, quam fixi salis; mirabere forsan phænomenon istud; lintamina scilicet madida cruore, qui stillaverit è Scorbuticorum naribus, corrosa visâ fuisse non semel.

I V.

ER G O N E perspectâ penitus indole Scorbuti, prout oriundi à sanguineâ mole depravatâ, quæque desciverit in salino-sulphuream, præscribentur ægro beccabunga, coclearia, nasturtium, & generis ejusce volatilia plurima? Ergone verendum nihil ex istorum remediorum usu præposterò? quasi cruor, antea jam exlex, indeque ferociens impensius, in serum non habeat liquefcere malignissimum, quod concussibus assiduus exercebit partes, exagitabitque, doloribus torquebit atrocioribus. Quam prudentius agetur in commodum ægrotantis à medico qui aliam invenerit viam! Studebit ille primo mitigandis, per injecta furenti sanguini fræna, symptomatis urgentioribus, atque adeò portionem ipsius aliquam, sectâ semel, iterumque venâ, demet; aliam, & acriorem temperare sataget, tenuiorem spissare, quietis impatientem impedire quoquomodo; nerveum laticem hac arte revaliturum esse confusus, maximè si de liberandis infarctu, visceribus, ut ut iste levis fuerit, aut recens unâ cogitaverit. Executuro meditata tam sapienter, præsto futura sunt

ex alterantibus refrigerantia, quibus suppetias ferent quæcumque absorbendi virtute præcellunt; purgantia benignioris ordinis, quæ suis augebunt viribus è marte parata medicamina, balnea dulcis aquæ, selectarumque metallicarum aquarum haustus, adhibitis cum circumspèctione specificis.

V.

HOC instructum apparatu medicum spes teneto plurima, futurum ut Scorbutum curaturus sit, cujus miuissè symptomata, constiterit apud ipsum, exhaustos putredinis lares, & amotum contumaciæ fomitem. Consimili ratione, quanquam sine remediorum operâ, convaluisse putaveris à Scorbuto, quotquot sale duratis inhalatisve fumo carnibus dudum usi, fructus aliquandiu comederunt ad satietatem, succo luxuriantes, eoque dulco-acido; quotquot vitiatissimè pridem aquis poti, dulces & ubertim hauserunt aquas, sero lactis proluerunt sese defæcatissimo, vel deditere sese totos caprillo lacti pro edulibus. Subactis nimirum hac vivendi normâ particulis cruoris acrioribus, tubulorumque structurâ congruum in statum reductâ, vivificum nerveumque latices, decurrere leviter, horum appulsu recreari partes omnes, pristinum resumere vigorem, bonum habitum concipere, florido colore cutim illustrari. Nullo igitur ducare præjudicio, quoties curandam aggrediere Scorbuticam affectionem, causam à causâ dirimito sagaciter, alteram volatiliu usu tollendam, ab alterâ quam eorundem adaugebit abusus: medentique tibi obversator hoc effatum, *Juvare si non potueris, caveas saltem à nocendo.*

Non igitur omni Scorbuto volatilia.

Proponebat Parisiis JOANNES DE PINEY PESCHARD,
Cenomanensis, Baccalaureus Medicus. A. R. S. H. 1702.

Apud viduam Francisci Muguet, Regis & Facultatis Medicinæ Typographi.